

sanctae Mariae, & quicquid juris habetis in Monasterio sancti Theonisti infra ipsam plebem, plebem sancti Pauli & Stephani, Ecclesiam sancti Prosperi, Ecclesiam sancti Petri, Ecclesiam sanctae Mariae in Cento, Ecclesiam sanctae Mariae in Vernano, & sancti Joannis in Frelioni, infra ipsam plebem sitas, plebem sancti Joannis in Galia, Ecclesiam sancti Christofori in Flanignano, Ecclesiam S. Laurentii in castro Sulani, Ecclesiam sancti Pauli in Curte ejusdem castri, Ecclesiam sanctae Margaritae in castro cum curseto, & Ecclesiam sancti Andree, Ecclesiam sancti Christofori in castro Scortigato, & sancti Vicini, plebem sancti Archangeli, que vocatur in Acerbolo, Ecclesiam sanctae Mariae in Camerano, & sancti Joannis in Cento, sancti Andree in Gallia, sanctae Mariae Novae, sanctae Mariae in Ceola, sancti Bartholomaei in Tribio, infra ipsam plebem sitas, plebem sanctorum Viti & Modesti, Ecclesiam sanctae Justinae, sancti Juvenalis infra ipsam plebem, plebem sancti Martini, que vocatur in Burdundo seu Burdunchio, plebem sancti Laurentii, que vocatur in monte Appadiano, Ecclesiam sanctae Christinae, sancti Martini, que vocatur in Viginti, sanctae Mariae in Paterno, & quicquid juris habet in Ecclesia sancti Hermetis, infra ipsam plebem sitas, plebem sancti Joannis in Bulgaria nova, Ecclesiam sancti Apollinaris, que in deserto rejacet, Ecclesiam sancti Martini, que vocatur in Cerreto, Ecclesiam sancti Petri in castro Veraculi, & quicquid juris habet in Ecclesiis sancti Andree, sancti Blasii, & sancti Viti in Gualdo, infra ipsam plebem sitas, plebem sancti Joannis in Cella-jovis, & quicquid juris habet in Ecclesiis plebem sancti Laurentii in Strata, plebem sancti Georgii in castro Conce cum Oratorio sancti Stephani, sito juxta ipsam, plebem sancti Erasmi, Ecclesiam sancti Andree, plebem sancti Sabini, Ecclesiam sancti Joannis in Pasciano, plebem Inferni, que vocatur sanctae Columbae, Ecclesiam sancti Donati, & sancti Martini, sanctae Mariae in Uria, sancti Petri, que vocatur Accorti, sancti Petri in Laureto infra ipsam plebem, plebem sancti Laurentii in Barcola, & praedicta Monasteria, & Ecclesias omnes, quae in Ariminensi Comitatu sitae sunt, cum pertinentiis earum, tibi tuisque successoribus confirmamus. Eisdem etiam Ariminensi Ecclesiae roboramus portam sancti Donati, que vocatur sancti Andree, totam in integrum, medietatem de porta Gallica, que vocatur sancti Petri, porticum totum in integrum, per quod pergitur ad mare, & porticum unde ingressus est ad Episcopium, medietatem totam ex integro ripae littoris maris, cum medietate de districtu suo, que ad ripas littoris pertinet, sive de Judaeis, sive de Christianis, verum etiam & litus maris decurrens a Flumicello usque ad flumen, qui vocatur Maricula. Ad haec, praedecessorum nostrorum vestigiis insistentes, sicut ab eis sancitum est, ita & nos mansurum in perpetuo de caetero sancimus, ut Ariminensis Ecclesia nulli alteri alii Metropoli, nisi tantum sanctae & Apostolicae Romanae subiecta sit Ecclesiae, ipsiusque Antistes tantum a Romano Pontifice omni tempore consecratur. De supradictis autem rebus juris sanctae Romanae Ecclesiae, quas praefata Ariminensis Ecclesia possidet, tu & tui successoribus pro pensione triginta denariorum solidos annis singulis Lateranensi Palatio persolvatis. Plebem vero san-

Ariminensem Ecclesiam solum Romanam, ejusque Pontificibus subiectam declarat. Consuevit statui in nummularum Lateranensi Palatio persolvendi pro bonis, que de iure S. Petri possident.

cti Paterniani cum decimis & caeteris suis pertinentiis, nec non cum iis, quae beati Petri juris sunt in fundo Arginariae, sub annuo censu viginti quatuor denariorum Lucensium, nobis nostrisque successoribus annualiter persolvendo, tibi tuisque successoribus committimus, & praesentis scripti paginam confirmamus. Decernimus ergo &c. Si qua igitur &c. Cunctis autem &c.  
EGO LUCIUS Catholicae Ecclesiae Episcopus.  
Ego Conradus Sabinen. Episc.  
Ego Imarus Tusculan. Episc.  
Ego Petrus Albanen. Episc.  
Ego Rainerius Presb. Card. tit. sanctae Priscae.  
Ego Thomas Presb. Card. tit. Vestinae.  
Ego Gilbertus Presb. Card. tit. sancti Marci.  
Ego Nicolaus Presb. Card. tit. sancti Cyriaci.  
Ego Manfredus Presb. Card. tit. sanctae Sabinae.  
Ego Albertus Presb. Card. tit. sanctae Anastasiae.  
Ego Ostavianus Diac. Card. tit. sancti Nicolai in Carc.  
Ego Rodolphus Diaconus Card. sanctae Luciae in Septa solis.  
Ego Joannes Diac. Card. sanctae Mariae Novae.  
Ego Gregorius Diac. Card. S. Angeli.  
Ego Astaldus Diac. Card. sancti Eustachii.  
Datum Laterani per manum Baronis S.R.E. Subdiac. XII. Kal. Jun. Indict. VII. Incarn. Dom. MCXLIV. Pontificatus vero D. Lucii Papae II. anno I.

Solite conclusiones, quae emittuntur. Lucii PP. & S. R. E. Cardd. subscriptiones.

Dat. die 10. Maii anno Domini 1144. 16. tit. anno I.

XIII.

Monasterium Cluniacense soli Apostolicae Sedi subiectum declaratur, eique confirmantur bona omnia, jura, atque immunitates.

Lucius Episcopus, Servus Servorum Dei, carissimo in Christo filio Petro Cluniacensi Abbati, ejusque successoribus regulariter substituendis, in perpetuum.

Ex Biblioth. Cluniac. Martini Marrier, col. 1383.

Religionis monasticae modernis temporibus speculum, & in Galliarum partibus documentum, beati Petri Cluniacense Monasterium, ab ipso suae foundationis exordio Sedi Apostolicae in jus proprium est oblatum. Proinde Patres nostri sanctae recordationis, Joannes XI. item Joannes XIX. Agapitus II. Benedictus VI. item Benedictus VII. Leo VII. item Leo IX. Gregorius VI. item Gregorius VII. Alexander II. Stephanus, Victor III. Urbanus II. Paschalis II. Gelasius II. Calixtus II. Honorius II. Ecclesiae Romanae Pontifices, locum ipsum singulari dilectionis, ac libertatis praerogativa donarunt, & universa ei pertinentia privilegiorum suorum sanctionibus muniverunt: Statutum est enim, ut Ecclesiae omnes, Coemiteria, Monachi, Clerici, & Laici universi, infra terminos habitantes, qui sunt a rivo de Salnay & ab Ecclesia Rufiaci, & Cruce de Lornant: a termino quoque molendini de Tornesac, per villam, que dicitur Warena, cum nemore Burserio: a termino etiam, qui dicitur Perrojo, ad rivum usque de Satnay, sub Apostolica tantum Sedi jure, ac tuitione permanent. Neque ipsius Cluniacensis loci Presbyteri, aut etiam Parochiani, ad cuiuslibet, nisi Romani Pontificis, & Cluniacensis Abbatis con-

Monasterium Cluniacense a prima sui fundatione Sedi Apostolicae subiectum est. Et a summis Pontificibus privilegii datum.

Eiusque bona, Ecclesiae, Clerici quoque, & laici sub solo iure Sedi eiusdem possiti.

Data omnimoda exemptio, etiam iurisdictione Episcopali de celsa.

gantur ire synodum vel conventum. Sane pro Abbatis, Monachorum, seu Clericorum, infra praedictos terminos habitantium, ordinatione, pro Chrismatibus consecratione, pro sacri Olei, Ecclesiarum, Altarium, & Cimitiorum consecratione, Cluniacense Monasterium, quem maluerit, Antistitem convocet. Cluniacenses Monachos ubilibet habitantes nullus omnino praeter Romanum Pontificem, & Legatum, qui missus ad hoc fuerit, excommunicet aut interdicat. Sane terminos immunitatis Loci vestri, qui a praefato antecessore nostro Urbano Papa constituti sunt, praesentis decreti nostri paginam confirmamus. Ne videlicet ullus homo cuiuscumque conditionis ac potestatis, invasionem, predam, aut rapinam facere, sive homicidium perpetrare praesumat infra ipsorum limites terminorum. Itaque termini sacri banni sunt hi: Versus Berzicium terminus est ad Bivium citra Saratam, unde una venit ad Cluniacum, altera ad Massilias: In strata versus Bellumjocum terminus est contra Quarrucium, quod est desuper molendinum Cellararii Cluniacensis, citra Viengias ultra Cluniacum: Versus Massilias terminus est ad summitatem Defensi ad Bivium, unde una via tendit ad Berzoniacum, altera ad Carellam: Versus Sergiacum terminus est intra Quarrucium, citra locum, ubi dicunt ad Turgum: In strata versus Cabilonensem pagum terminus est ad grossum Castaniam super Marzicium: Versus Brancedunum terminus est in via super boscum Bannedum: Versus Trenorchium terminus est super rivulum, quem dicunt Longam aquam, intra Bannoscum & Donzicium: Versus Perronam vel Layfiacum terminus est ad Tres-fagos, ubi partiuntur vester boscus de Cluniaco, & boscus Comitatus: Versus Legiacum terminus est ad Carmos, super montem edium. In Abbatibus, quae cum suis Abbatibus ordinationi Cluniacensis Monasterii datae sunt, videlicet S. Martialis Lemovicensis, S. Eparci Engolismensis, Monasterii novi Pistavis, S. Joannis Angeliacensis, Monasterii Lesatensis, Moyfiacensis, Figiacensis in Caturcensi pago: In Avernia, Mauffiacensis, Tiercensis: In Antistodorensi (sancti Germani): In Cameracensi Hunoldi curtis: In Rothomagensi Abbatia apud Pontiferam: In Taruvarensi S. Wlari, sine Cluniacensis Abbatibus consilio Abbas nullatenus eligatur. Ad haec ad iudicium, ut in omnibus Prioratibus, & Cellis, quae sine proprio Abbate vestro regimini subiectae sunt, nullus futuris unquam temporibus Abbatem ordinare praesumat: sed tam Prioratus ipsi & Cellae, quam & caetera in quibuslibet locis omnia, quibus Cluniacensis Ecclesia, Arvernensis Concilii, quod per supradictum Papam Urbanum celebratum est, tempore investita erat, de quibus tunc nulla questio mota est, tam tibi quam successoribus tuis in pace semper & quiete serventur. Pro Altaribus & Ecclesiis sive decimis vestris, nulli Episcoporum facultas sit, gravamen aliquod vobis, aut molestias irrogare: sed sicut eorum permissione quaedam ex parte, quaedam ex integro habuistis, ita & in futurum habeatis. Ecclesiarum vestrarum decimas, quae a laicis obtinentur, si secundum Deum eorum potestati subtrahere vestrae religionis reverentia poterit, ad vestram & pauperum gubernationem vobis liceat possidere. Decimas laborum vestrorum, pro quibus tam vos quam alios Monastica Reli-

Limites, quibus circuleri debent huiusmodi exemptio.

In Abbatibus Cluniacensis Monasterii subiectis non eligendi Abbates, nisi habito prius consensu Abbatibus Cluniac.

In Prioratibus in quibus Abbates non fuerint, impositionem non eligendi.

Pro Altaribus, & Ecclesiis decimas non solvenda.

Sed Monachorum, & pauperum ubique applicandae.

gionis viros inquietare Episcopi consueverunt, illorum videlicet, quos Dominaturas appellant, qui vestro sumptu a Monasteriis & cellarum vestrarum clientibus excolluntur, sine omni Episcoporum, & Episcoporum ministrorum contradictione, deinceps quietius habeatis, quivestra peregrinis fratribus, & pauperibus erogatis. Ecclesiae omnes, quae ubilibet posite sunt, seu cappellae vestrae, & cimiteria, liberae sint, & omnis exactionis immunitas, praeter consuetam Episcopi paratam, & iustitiam in Presbyteros, qui adversus tui Ordinis dignitatem offenderint. Liceat quoque vobis, seu fratribus vestris, in Ecclesiis vestris Presbyteros eligere; ita tamen, ut ab Episcopis, vel ipsorum Vicariis, animarum curam absque venalitate suscipiant: quam si committere illi, quod absit, ex pravitate noluerint, tunc Presbyteri ex Apostolicae Sedis benignitate officia celebrandi licentiam consequantur. Ecclesiarum vero, seu Altarium consecrationes, si Dioecesiani Episcopi gratis noluerint exhibere, a quolibet catholico suscipiatis Episcopo. Nec cellarum vestrarum ubilibet positarum fratres pro qualibet interdictione vel excommunicatione divinorum officiorum suspensionem patiantur; sed tam Monachi ipsi quam & famuli eorum, & qui se Monastica professione devoverunt, clausis Ecclesiarum januis, non admissis dioecesanis, divinae servitutis officia celebrent, & sepulture debita peragant. Praeterea quaecumque possessiones, quaecumque bona idem Monasterium impraesentiarum iuste & canonicè possidet, aut in futurum concessione Pontificum, largitione Regum vel Principum, oblatione fidelium, seu aliis iustis modis, Deo propitio, poterit adipisci, firma tibi tuisque successoribus, & illibata permanent: In quibus haec propriis duximus exprimenda vocabulis: In Burgundia, Ecclesiam de Villafrauca, Ecclesiam de Barberiaco, Monasterium de Prims: In Francia, Ecclesiam Montis-desiderii, Ecclesiam de Dompetra: In Provincia Monasterium juxta montem Pessulanum: In Tolosano Episcopatu Ecclesiam S. Columbae: In Hispania Nazeram, sanctum Isidorum, sanctum Zoilum de Quarrione, sanctum Romanum de Pennis, Villamviridem, Villam francam, Vallemviridam, Palumbarum, Bodinum, Vimineriam, sanctum Martinum de Nehda, sanctum Vincentium de Salamantica, S. Columbam de Burgis, Corvilanam, quae propriè Cluniacensi Monasterio datae sunt: Item in Nivernensi Episcopatu Monasterium de Albiniaco, quod ad caritatem: In Francia Monasterium de Causiaco, quod ad S. Martinum, de Campis Canonicae de Abbevilla pertinet: Item Ecclesiam de Rua, que ad Monasterium de Abbevilla pertinet. Prohibemus autem, ut infra Parochias ad jus Cluniacensis Monasterii pertinentes, absque Cluniacensis Abbatis assensu nullus Ecclesiam vel Cappellam edificare praesumat: salva in omnibus Apostolicae Sedis auctoritate. Decernimus ergo, ut nulli omnino hominum liceat, praefatum Monasterium temerè perturbare, aut ejus possessiones auferre, vel ablatas retinere, minuere, aut aliquibus vexationibus fatigare: sed omnia integra conserventur eorum, pro quorum gubernatione & sustentatione concessa sunt, usibus omnimodis profutura. Si qua igitur in futurum ecclesiastica secularive persona, hanc nostrae constitutionis paginam sciens, contra eam temerè venire

Episcopo sola facultas sit procedendi contra Presbyteros refractarios.

Curam animarum eis impediendi.

& Ecclesias consecrandi; sed sine pretio.

Bona omnia, vel quae possidet Monasterium Cluniacense, vel quae in futurum adeptum fuerit, eidem confirmantur.

In Parochiis, ad jus Cluniacensis Monasterii spectantibus, nec Ecclesiae nec cappellae absque Abbatis licentia edificandae. Decretum immunitatis, quod quocumque molestia, videlicet diminutione, &c. Confirmatio paginae huius cum solitis clausulis.

nire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, & a sacratissimo Corpore ac Sanguine Domini nostri Jesu Christi aliena fiat, atque in extremo examine districtæ ultioni subiaceat; Cumctis autem eidem loco sua jura servantibus sit pax Domini nostri Jesu Christi, quatenus & hic fructum bonæ actionis percipiant, & apud districtum Judicem premia æternæ pacis inveniant. Amen. EGO LUCIUS Catholicæ Ecclesiæ Episcopus s.

Lucii PP.



& S. R. E. Card. sub- scriptiones.

- Ego Theodewinus S. Rufinæ Episcopus s.
Ego Rainerius Presb. Card. tit. sanctæ Priscæ s.
Ego Thomas Presb. Card. tit. Vestinæ s.
Ego Gillebertus tit. sanctæ Mariæ s.
Ego Imarus Tusculanus Ep. s.
Ego Petrus Albanensis Episcopus s.
Ego Rainerius Presb. Card. tit. sancti Stephani in Coelio monte s.
Ego Manfredus Presb. Card. sanctæ Sabine s.
Ego Albertus Presb. Card. tit. sanctæ Anastasiæ s.
Ego Hugo Presb. Card. tit. sancti Laurentii in Lucina s.
Ego Octavianus Diaconus Card. s.
Ego Guido in Romana Ecclesia Altaris minister indignus s.
Ego Gregorius Diaconus Card. sancti Angeli s.
Ego Astaldus Diaconus Card. sancti Eustachii juxta templum Agrippæ s.
Ego Joannes Diaconus Cardinalis sanctæ Mariæ Novæ s.

Datum Laterani per manum Baronis Ecclesiæ Subdiaconi, XI. Kal. Junii, Indiæ. VII. Incarnationis Dominicæ MCXLIV. Pontificatus vero Domini Lucii Papæ anno I.

XIV.

Confirmatio bonorum, jurium, & privilegiorum Matricis Ecclesiæ Faventinæ.

Ex originali in Archiv. Canonico Ecclesiæ hujus editi Ughell. Ital. Sac. Tom. II.

Exordium.

AD hoc in Apostolica dignitatis specula, Domino largiente, promoti sumus, ut Ecclesiarum utilitati & quieti paterna sollicitudine provideamus, & suam cuique justitiam ratam illibatamque servemus. Eapropter, dilecti in Domino filii, vestris postulationibus clemen-

ter annuentes, & B. Petri Ecclesiam, in qua divino mancipati estis obsequio, sub ejusdem Apostolorum Principis & nostra protectione suscipimus, & præsentis scripti patrocinio communimus; Statuentes, ut quascumque possessiones, quæcumque bona impresentiarum quomodolibet jure præfata Ecclesia possidet, aut in futurum concessione Pontificum, largitione Regum vel Principum, oblatione fidelium, seu aliis rationabilibus modis, præstante Domino, poterit adipisci, firma vobis vestrisque successoribus, & illibata permaneant; In quibus hæc propriis duximus exprimenda vocabulis: Plebem S. Petri in Lacuna cum omnibus ad ipsum pertinentibus, medietatem plebis sancti Andree in Paviale cum omnibus pertinentiis suis, Ecclesiam sancti Christophori Martyris, dicta castrum Quartulli, Ecclesiam sancti Andree in Casanula, Ecclesiam sanctæ Mariæ in Morlascho; præterea Arcuatam majorem & minorem, Fermilinum majorem & minorem, cum appendiciis, videlicet Fabriati, Morena cum campo coherentis sibi, & Taulis de Villanova, duos mansos in Licutino, quatuor in Pegalino; duos in Amerino, locum, qui dicitur Curiglianus, locum, qui dicitur Mons, locum, qui dicitur Tillitus, duos mansos in Varana, quidquid habetis in Fustarini, in Pigna, in Pitriolo, & in quibuscumque locis, villis, vel fundis, terris, vel aquis, aquarumve decursibus. Sancimus etiam vobis vestrisque in perpetuum successoribus antiquas Ecclesiæ vestræ consuetudines, honores, dignitates, in decimis, primitiis, testamentis, oblationibus tam vivorum quàm mortuorum antiquis consuetis, plebium Episcopatus vestri processionibus, & pensionibus, omnibusque persolutionibus, & pensionibus, omnibusque persolutionibus, præbendis, sive redditibus, quemadmodum vos aut prædecessores vestri ex antiquo vestræ Ecclesiæ usu habuistis, tenuistis, & posseditis a die obitus bo. me. Pauli ejusdem Ecclesiæ venerabilis Episcopi usque ad tempus Jacobi successoris ejus. Oleum autem infirmorum, & eorumdem unctiones de tota plebe vestra, soli Ecclesiæ vestræ, ejusque sacerdotibus in perpetuum Apostolicæ Sedis auctoritate firmamus; & ut nullus Cappellanorum apud se retineat, vel in eo sine matricis Ecclesiæ licentia operetur, sub eorum officii interminatione, ac excommunicatione præcipimus. Archidiaconum quoque, & Archipresbyterum semper in Ecclesia vestra per canonicam constitutionem habendos præcipimus: quibus nimirum, quidquid eis sacrorum Canonum auctoritate conceditur, præsentis privilegii auctoritate firmamus. Sanè charitativa illa ciborum beneficia, quæ a Monasteriis sanctæ Mariæ foris portam, & sancti Hippolyti, sive quæ in Nativitate & Resurrectione Domini, annis singulis ab Episcopo vestro recipere consuevistis, sive in dictis Monasteriis consueta processiones feceritis, sive ipsas, casu excusabili prohibente, subtraxeritis, vobis vestrisque posteris rata, sancimus, & illibata servari. Hoc etiam Ecclesiæ vestræ perpetuis temporibus ratum & inconvulsum manere decernimus, ut de universis ecclesiasticis negociis, sive contractibus, quæ ad Diocesim Faventini Episcopatus pertinere noscuntur, formandi aut reformandi, judicandi seu disponendi, sine consilio & assensu vestro, vestrorumque successorum, nullus omnino habeat facultatem. Sepulturam quoque eidem Ec-

Ecclesiam hanc sub Apostolicæ Sedis protectione recipit

Eique bona omnia confirmat.

Nulli e largitur Privilegia, & exemptiones.

Ecclesiæ omnino liberam esse concedimus, & eorum corpora, qui se in illa sepeliri deliberaverint, vel eorum, qui per consuetam parentelæ aut cognationis sepulturam ad cœmeterium vestrum pertinere noscuntur, sine licentia vestra nullus recipere præsumat, nisi fortè adhuc viventes quodlibet propositum religionis assumpserint. Quod si quis ausu temerario recipere, vel sepulturæ tradere præsumperit, sive Clericus sit sive Laicus, usque ad condignam satisfactionem ecclesiasticæ vindictæ subiaceat. Ad hæc adjicientes statuimus, ut sine vestro aut successorum vestrorum assensu nulla nova Ecclesia vel Oratorium infra Faventini Episcopatus terminos construatur vel consecretur. Quæ si secus constructa vel consecrata fuerint, in ipsis auctoritate Apostolica divina prohibeatis officia celebrari. Apostolica nihilominus auctoritate interdiciamus, ut nullus de Episcopatu vestro, quem canonicè interdixeritis aut excommunicaveritis, occasione alicujus privilegii, sive auctoritatis vobis resistere aut contradicere præsumat; sed mandato vestro sine contradictione obediat. In communis etiam vestræ Civitatis interdicto nulli Ecclesiæ, quæ interdicta fuerit, officium manifestè liceat celebrare. Nulli quoque Archiepiscopo, vel Episcopo liceat, alicuius matricis Ecclesiæ clericum officio seu beneficio sive canonico iudicio spoliare. Illud quoque præsentis decreto duximus annexendum, ut tam ecclesiasticis, quàm secularibus, tam in communibus quàm in privatis, vos vestrique successores ab omni tributaria exactione immunitatem omnimodam habeatis. Decernimus ergo, ut nulli omnino hominum fas sit, præfatam Ecclesiam temerè perturbare, aut ejus possessiones seu redditus auferre, minuere, aut aliquibus vexationibus, seu infestationibus fatigare; sed omnia integra conserventur, eorum, pro quorum gubernatione & sustentatione concessa sunt, usibus omnimodis profutura: salva nimirum in omnibus Apostolicæ Sedis auctoritate. Siqua igitur in futurum ecclesiastica secularive persona, hanc nostræ constitutionis paginam sciens, contra eam temerè venire tentaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, & a sacratissimo Corpore ac Sanguine Dei & Domini Redemptoris nostri Jesu Christi aliena fiat, atque in extremo examine districtæ ultioni subiaceat; Cumctis autem eidem Ecclesiæ jura servantibus sit pax Domini nostri Jesu Christi, quatenus & hic fructum bonæ actionis percipiant, & apud districtum Judicem premia æternæ pacis inveniant. Amen. Amen.

Solita conclusiones.

Dat. die 1. Junii anno Domini 1144. Pontif. an. 10.

Datum Laterani, Kal. Junii anno I.

XV.

Monasterio Omnium Sanctorum Baren. Diocesis confirmatur privilegium Calixti PP. II. ac donationes omnes eidem a Baren. Episcopis factæ.

Privileg. Calixti II. leg. Superius Const. XXXVI.

Lucius Episcopus, Servus Servorum Dei, dilectis filiis, Nicolao Abbati Venerab. Monasterii, quod Omnium Sanctorum dicitur, in Loco Cuti in Barenfi suburbio, sive ejus fratribus tam presentibus quàm futuris regulariter substituendis, in perpetuum.

Edict. Ughell. Ital. Sac. Tom. VII. ubi de Baren. Archiepp.

Exordium.

Desiderium, quod ad Religionis propositum, & animarum salutem pertinere monstratur, animo nos decet libenti concedere, & petentium desideriis congruum impertiri suffragium. Quamobrem, dilecte in Christo filii Nicolae Abbas, quem per Dei gratiam in Abbatem benediximus, omnium Sanctorum Monasterium, cui Domini auctoritate præses, ad exemplar prædecessoris nostri fel. mem. Papæ Callisti Apostolicæ Sedis privilegio communimus. Omnem siquidem quietis & libertatis provisionem, quam bonæ recordationis Ursus, & Elias, Barenfis Ecclesiæ Præsules, eidem Monast. contulerunt, & Dominus prædecessor noster sanctæ mem. Paschalis Papa firmavit, nos quoque præsentis scripti paginâ confirmamus; ut videlicet Locus ipse cum rebus omnibus ad eum justè pertinentibus, a dominio vel oppressione cujuscumque hominis libere debeat permanere; nec ullus Ecclesiæ Barenfis Antistes, aut alius (quod absit) temerarius, audeat eidem Cœnobio excommunicationem inferre; neque personis aut rebus ejus aliquo citra justitiam modo molestiam aut controversiam irrogare. Ordinationes autem Clericorum, & Ecclesiarum consecrationes gratis, seposita pravitate & omni exactione, concedat. Missas sanè illic publicas per Episcopum fieri præter Abbatis & Fratrum voluntatem omnimodis prohibemus; ne servorum Dei recessibus, popularibus occasio præbeatur ulla conventibus. Obeunte vero ite, nunc ejusdem Loci Abbate, vel tuorum quolibet successorum, nullus ibi qualibet subreptionis astutia seu violentia præponatur, nisi quem fratres communi consensu, vel fratrum pars consilii sanioris, secundum Dei timorem, & B. Benedicti regulam providerint eligendum: Cui si qua gravior causa evenerit, libere liceat Apost. Sedis audientiam appellare. Præterea quascumque possessiones, quæcumque bona, idem Monasterium impresentiarum justè & canonicè possidet, aut in futurum concessione Pontificum, largitione Regum vel Principum, oblatione fidelium, seu aliis justis modis, Deo propitio, poterit adipisci, firma vobis vestrisque successoribus, & illibata permaneant; In quibus hæc propriis duximus exprimenda vocabulis: Ecclesiam S. Laurentii de Anto, Monasterium puellarum sancti Procopii de Sao, & Ecclesiam sanctorum Apostolorum Simonis & Judæ extra muros, Ecclesiam sancti Sebastiani cum omnibus earum pertinentiis. Decernimus ergo, ut nulli omnino hominum liceat, præfatum Monasterium temerè perturbare, aut ejus possessiones auferre, vel abatas retinere, minuere, aut aliquibus vexa-

Confirmat privilegium Callisti PP.

& donationes huic Monasterio a Baren. Episcopis factas.

Abbas, & Monachi Episcopo Diocesis pro solis ordinationibus subiecti declarantur.

Abbas vero electio solis Monachis reservatur.

Bona omnia Monast. confirmantur.

Solita conclusiones.